



Broj: 01/1-02-852/16  
Breza, 29.04.2016. godine

## Z A P I S N I K

Sa TRIDESETSEDME REDOVNE SJEDNICE Općinskog vijeća održane dana 28.04.2016. godine sa početkom u 16,<sup>00</sup> sati u prostorijama Općine Breza-Sala Općinskog vijeća.

Sjednicom je predsjedavao predsjedavajući Općinskog vijeća Miro Vrljičak.

Po izvršenoj prozivci konstatovano da na sjednici Općinskog vijeća prisustvuje 12 vijećnika.

Izostanak sa sjednice najavili su vijećnici: Bulbulušić Amela, Hasić Muhamed, Salčinović Đejlan, Telalović Azra, Velić Mersiha (opravdano odsutna), vijećnica Trogrlić Branka najavila je zakašnjenje na sjednicu. Na prozivci nisu prisutni Frljak Lejla, Frljak Nejra, i Sokić Dževahid.

Osim vijećnika sjednici Općinskog vijeća su prisustvovali: Općinski načelnik Halil Tuzlić, pomoćnici Općinskog načelnika: Smajila Omerhodžić, Salih Hasanspahić, Herco Huso, Općinski pravobranilac Telalović Đenana, predstavnici određenih političkih partija, predstavnici boračkih udruženja i predstavnik javnog informisanja Radio Breza .

Na početku sjednice pristupilo se razmatranju i usvajanju Zapisnika sa tridesetšeste redovne sjednice Općinskog vijeća Breza.

Primjedbi na Zapisnik sa tridesetšeste redovne sjednice Općinskog vijeća Breza nije bilo te je nakon provedenog postupka glasanja konstatovano je da je Zapisnik usvojen sa 11 glasova ZA ,1 suzdržanim glasom, bez glasova protiv.

Nakon usvajanja Zapisnika prešlo se na odgovore po vijećničkim pitanjima.

Vijećnik Bajrić Fetah istakao je da još uvijek nije dobio odgovore na postavljena vijećnička pitanja koja se odnose na broj uposlenih i njihovo finansiranje, o načinu i zakonskoj regulativi zauzimanje javnih površina na području užeg gradskog dijela ,te pitanja koja se odnosi na iznos isplaćenih sredstava po presudama u 2013, 2014, 2015 godini. Traži poštivanje Statuta i Poslovnika o radu Općinskog vijeća te da mu se odgovori dostavljaju u pismenoj formi.

Pomoćnik načelnika za finansije Meliha Beširević pojasnila je da se u službi ne nalazi nijedno pitanje na koje nije dostavljen odgovor, a dio pitanja upućen je šefu kabineta Općinskog načelnika.

Safet Zahirović upoznao je vijećnike sa članom 152 stav 3 Poslovnika o radu Općinskog vijeća koji se odnosi na postupak ne dostavljanja odgovora na vijećnička pitanja.

Zatim se pristupilo postavljanju novih vijećničkih pitanja.

Vijećnik Begić Haris u pismenoj formi pokrenuo je Inicijativu kojom će Stručna služba Općinskog vijeća pripremiti akt kojim ovaj saziv Općinskog vijeća upućuje zahvalu Općinskom načelniku Halilu Tuzliću i pomoćniku načelnika Melihi Beširević te licima koja su učestvovala u aktivnostima vezanim za nabavku građevinske mašine Skip.

Vijećnik Bajrić Fetah postavio je vijećničko pitanje koji se odnosi na sistematizaciju i broj uposlenih radnika u Centru za socijalni rad kao i koji su kriteriji i koja su lica dobila jednokratne pomoći i u kojem iznosu. Drugo vijećničko pitanje odnosi se na posljedice koje

će nastati prilikom korištenja lokalnog puta prema Smrekovici od strane izvođača na projektu izgradnje turističkog naselja u Smrekovici.

Vijećnik Omerhodžić Refik u pismenoj formi postavio je vijećničko pitanje koje se odnosi na korištenje puta prema Podgori od strane koncesionara kamenoloma u mjestu Podgora prema Moravi.

Vijećnica Herco Faida postavila je u pismenoj formi vijećničko pitanje kada će doći do realizacije postavljanja horizontalne i vertikalne signalizacije na putevima na području Općine Breza a naročito na putu Breza-Banjevac- Gornja Breza.

Vijećnik Avdić Edin pokrenuo je dvije vijećničke Inicijative koje se odnose na uspostavljanje telefonske linije u JP Komunalnom za anonimne pozive od strane građana za prijave nelegalnih priključaka vode i kanalizacije, kao i Inicijativu da se u JP Komunalno zaposli inženjer hortikulture. Postavio je pitanje koje se odnosi na prenos nadležnosti i zakonsku regulativu po presudi Ustavnog suda Federacija po pitanju turističke djelatnosti na kantonalnom nivou.

Radu vijeća priključila se vijećnica Trogrlić Branka u 16:25 minuta.

Vijećnik Sirotanović Arif postavio je vijećničko pitanje koje se odnosi na sanaciju puta Borak-Slivno. Takođe podržava i Inicijativu Begić Harisa po pitanju upućivanje zahvale za nabavku Skip mašine a pokreće Inicijativu da se uputi zahvala licima koja su donirala novčana ili druga sredstva u iznosu većem od 10.000 KM ili više.

Vijećnica Trogrlić Branka traži da direktor JP Komunalno Breza vijećnike informiše o stvarnom finansijskom stanju u ovom javnom preduzeću. Drugo pitanje odnosi se na mogućnosti da se uputi zahtjev Ministarstvu zdravstva ZE-do kantona da obezbjedi kombi prevoz za pacijente na relaciji Breza- Zenica, te mogućnost angažovanje kombija Crvenog križa iz Breze.

Vijećnik Miro Vrljićak podržava Inicijativu Trogrlić Branke oko obezbjeđivanja kombi prevoza za pacijente koji idu u kantonalnu bolnicu Zenicu. Predlaže da se ponovo pokrenu aktivnosti oko plaćanja troškova prevoza pacijentima koji putuju na liječenje .

Vijećnik Kadrić Mensud postavio je pitanje dokle su stigle aktivnosti oko iznalaženja lokacije za gradsko groblje.

Pomoćnik načelnika Smajila Omerhodžić pojasnila je da su u toku aktivnosti oko iznalaženja lokacije.

U nastavku se pristupilo glasanju za dnevni red, te je nakon provedenog postupka glasanja konstatovano da je sa 12 glasova ZA, 1 suzdržanim glasom i bez glasova protiv usvojen sljedeći:

## DNEVNI RED

1. Aktivnosti Općinskog načelnika u periodu između dvije sjednice.
2. Razmatranje i usvajanje Izvještaja o izvršenju Budžeta Općine Breza za 2015 godinu.
3. Razmatranje i davanje saglasnosti na Program utroška sredstava sa kriterijima raspodjele sredstava, „Subvencije za razvoj poljoprivrede „ utvrđeni Budžetom Općine Breza za 2016 godinu.
4. Razmatranje i usvajanje Zaključka o davanju predhodne saglasnosti na dodjelu koncesije za istraživanje i eksploataciju mineralnog resursa –kvarcnog pijeska na prošireni dio lokaliteta „Nezirov gaj“ Općina Breza.
5. Razmatranje i usvajanje Rješenja o preuzimanju neizgrađenog građevinskog zemljišta označenog kao k.č. broj 429/54 k.o. Breza (s.p.) što odgovara k.č.br.1012/2 k.o. Gornja Breza u površini od 313 m2. od JP Elektroprivreda BIH d.d. Sarajevo ZD RMU „Breza“ d.o.o.
6. Razmatranje i usvajanje Izvještaja o radu boračkih udruženja za 2015 godinu Općine Breza.

### Ad.1

Usmena informacija Općinskog načelnika o aktivnostima između dvije sjednice.

Općinski načelnik Tuzlić Halil upoznao je vijećnike o aktivnostima koje su vođene u periodu između dvije sjednice.

U Općini Breza održano je potpisivanje ugovora za dodjelu 60 stipendija .

## Ad.2

Razmatranje i usvajanje Izvještaja o izvršenju Budžeta Općine Breza za 2015 godinu.

Vijećnik Bajrić Fetah izvršio je analizu bruto plata i naknada te materijalnih troškova u periodu od 2012 do 2015 godine, te da je došlo do povećanja na ovim stavkama za oko 600.000 KM. Analizirao je stavku naplate i potraživanja za plaćanje komunalnih usluga te je konstatovao da je budžetom u 2016 godine predviđen iznos od 232.500 KM a isplaćeno je 233.711 KM. U prenesenim obavezama ostao je iznos od oko 203.000 KM te konstatuje da i pored izvršenih uplata općina ponovo duguje komunalnom preduzeću. Osvrnuo se na enormne troškove reprezentacije koje se kreću oko 40.000 KM. Postavio je pitanje plaćanja kamata za sudske postupke. Dalje je komentarisao o finansiranju sportskih udruženja. Podsjetio je da je FK Rudar Breza u teškom finansijskom stanju i da je pred gašenjem , a u prethodnom periodu isplaćen mu je novčani iznos od 1.000 KM, dok je za rad FK Mladost isplaćen iznos od oko 63.000 KM. Istakao je da je Udruženje ORB Brezanski rudari uplaćeno 8.732 KM a UG Alija Sirotanović je isplaćeno 9.650 KM, što je više nego uplate svim boračkim populacijama. Predlaže da se izvrši revizija Budžeta.

Pomoćnik Općinskog načelnika Beširević Meliha pojasnila je zašto je došlo do povećanja stavki za plate i materijale troškove, obzirom da se na ovaj konto knjiže i naknade za finansiranje volontera. Istakla je da je FK „Rudar“ u teškom finansijskom stanju te da je više puta isplaćivan iznos od po 1.000 KM. Pojasnila je da se preko računa FK Mladost vršilo finansiranje održavanje „Šehidskog turnira“ u Župči. Kada je u pitanje finansiranje udruženja ORB Brezanski rudari istakla je da je ovo udruženje učestvovalo u saniranju divljih deponija na području Općine kao i saniranje posljedica poplava te je zbog toga ova stavka povećana. Kada je u pitanju plaćanje komunalnih naknada pojasnila je da JP Komunalno d.o.o Breza ove godine predviđene usluge odradilo 100%. Dug u iznosu od 202.000 KM nastao je zbog plaćanja predhodnog duga. Što se tiče povećanja troškova prezentacije pojasnila je da kroz ovaj konto plaćana organizacija obilježavanja 6 aprila, 1 marta, 25 novembra i drugih značajnih datuma.

Vijećnica Herco Faida pozdravila je upošljavanje mladih, te je tražila pojašnjenje za isplatu jednokratnih pomoći od Kantona, kako i kome se isti isplaćuje.

Pomoćnik Općinskog načelnika Beširević Meliha pojasnila je da se ova sredstva isplaćuju putem konkursa za dodjelu novčanih sredstva, za obavljanje đenaza, za stambeno zbrinjavanje boračke populacije.

Vijećnik Kadrić Mensud zatražio je pojašnjenje koje se odnosi na prikupljanje i raspodjelu PDV-a, te koliko privredni subjekti sa područja Općine Breza imaju uplata sredstava za PDV.

Vijećnik Avdić Edin istakao je da je Budžet procjena, te da su sadašnji Budžeti na svim nivoima socijalnog a ne razvojnog karaktera. Posebnu pažnju obratio je na tabelu 4 potraživanja te je pitao da li su ova potraživanja realna i naplativa. Predlaže službi da prilikom kreiranja Budžeta koristi analitičku metodu. Smatra da je Općinsko vijeće u svom mandatu uradilo dosta posla te je razmatralo problematiku vezanu za vodosnadbjevanje, rješavanje problema deponije, spomen obilježja šehidima i poginulim borcima Breza i rješavanju druge aktuelne probleme koje su u nadležnosti Općinskog vijeća te je za svaku pohvalu.

Vijećnica Trogrlić Branka predleže da se više pažnje posveti redovnoj isplati stalne novčane pomoći, obzirom da 60 % sredstava isplaćuje Kanton a 40% Općina. Mjesečna

naknada iznosi 120 KM. Predlaže da se isplati dio sredstva za školu učenicima sa posebnim potrebama.

Vijećnik Miro Vrljičak govorio je o FK Rudar koji se nalazi u teškoj finansijskoj situaciji i nalazi se pred gašanje, te da se ovo stanje može prevazići sredstvima iz Budžeta. Isto tako podsjetio je na probleme oko objekta bivše „Streljane“ koje je takođe u katastrofalnom stanju.

Općinski načelnik Halil Tuzlić obećao je da će se naći način da se pomogne FK Rudar. Istakao je da je ponosan što je zaposlio mlade ljude. Govorio je o radu i finansiranju udruženja na području Općine Breza. Kada su u pitanju koncesije smatra da će iste biti naplaćene.

U raspravi su zatim učestvovali Begić Haris, Bajrić Fetah, Sirotanović Arif i Dinarević Nezir.

Sjednicu vijeća uz saglasnost predsjedavajućeg napustio Alić Admir u 17,30 sati.

Učesnika u raspravi više nije bilo te je nakon provedenog postupka glasanja konstatovano da je Izvještaja o izvršenju Budžeta Općine Breza za 2015 godinu usvojen sa 11 glasova ZA i 1 glasom protiv, bez suzdržanih glasova.

Usljedila je pauza od 17.45 do 18:10.

### Ad.3

Razmatranje i davanje saglasnosti na Program utroška sredstava sa kriterijima raspodjele sredstava, „Subvencije za razvoj poljoprivrede „ utvrđeni Budžetom Općine Breza za 2016 godinu.

Učesnika u raspravi nije bilo te je nakon provedenog postupka glasanja konstatovano da je sa 12 glasova ZA, bez suzdržanih glasova i glasova protiv usvojen , sljedeći

## ZAKLJUČAK

### I

**DAJE SE SAGLASNOST** na Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih Budžetom Općine Breza za 2016.godinu.

### II

Isplatu novčanih sredstava izvršiti iz Budžeta Općine Breza za 2016.godinu.

### III

Za realizaciju zaključka zadužuje se Služba za privredu i Služba za finansije, inspeksijske poslove i opću upravu.

### IV

Ovaj Zaključak objaviti u „Službenom glasniku Općine Breza“.

### Ad. 4

Razmatranje i usvajanje Zaključka o davanju prethodne saglasnosti na dodjelu koncesije za istraživanje i eksploataciju mineralnog resursa –kvarcnog pijeska na prošireni dio lokaliteta „Nezirov gaj“ Općina Breza.

Učesnika u raspravi po predloženoj tački nije bilo te je nakon provedenog postupka glasanja konstatovano da je Zaključak o davanju prethodne saglasnosti na dodjelu koncesije za istraživanje i eksploataciju mineralnog resursa –kvarcnog pijeska na prošireni dio lokaliteta „Nezirov gaj“ Općina Breza usvojen sa 12 glasova ZA bez protiv i suzdržanih glasova.

#### **Ad. 5**

Razmatranje i usvajanje Rješenja o preuzimanju neizgrađenog građevinskog zemljišta označenog kao k.č. broj 429/54 k.o. Breza (s.p.) što odgovara k.č.br.1012/2 k.o. Gornja Breza u površini od 313 m2. od JP Elektroprivreda BIH d.d. Sarajevo ZD RMU „Breza“ d.o.o.

Učesnika u raspravi nije bilo te je nakon provedenog postupka glasanja konstatovano da je Rješenje o preuzimanju neizgrađenog građevinskog zemljišta označenog kao k.č. broj 429/54 k.o. Breza (s.p.) što odgovara k.č.br.1012/2 k.o. Gornja Breza u površini od 313 m2. od JP Elektroprivreda BIH d.d. Sarajevo ZD RMU „Breza“ d.o.o usvojen sa 12 glasova ZA bez protiv i suzdržanih glasova.

#### **Ad. 6**

Razmatranje i usvajanje Izveštaja o radu boračkih udruženja za 2015 godinu Općine Breza.

Vijećnik Bajrić Fetah zatražio je odgovor na pitanje koliko je djece porodica šehida poginulih boraca Općine Breze zaposleno u Općinskom organu. Takođe je zatražio podatak o izgradnji šehidskih obilježja na području pojedinih MZ-a, te da li je o izgradnji istih postoji građevinska dokumentacija. Predložio je da se prilikom obilježavanja Dana otpora Općine Breza vodi računa o licu koji će držati čas historije i da to bude lice koje je učesnik događaja, te da se uvede praksa obilaska porodica šehida i poginulih boraca na dan pogibije.

Općinski načelnik Halil Tuzlić upoznao je vijećnike da je uveo praksu obilaska šehidskih porodica.

Učešće u raspravi uzeli su vijećnici Kadrić Mensud, Sirotanović Arif i Avdić Edin.

Pomoćnik Općinskog načelnika Meliha Beširević istakla je da Općina Breza ima jako dobru saradnju sa boračkim udruženjem, te da podržavaju njihov rad.

O radu i problemima kao i stanju boračke populacije govorili su Škrgić Nedžad predsjednik RVI, Rizvanović Hajra predsjednica boračkih udruženja i Muratović Fehim predsjednik udruženje „Zlatnih ljljana“.

Ovim je iscrpljen dnevni red tridesetsedme redovne sjednice Općinskog vijeća Breza koja je sa radom završila u 19:00 sati.

Sastavni dio ovog zapisnika čini i tonski zapis sjednice.

ZAPISNIK SAČINILA  
Zakira Smailbegović, s.r.

PREDSJEDAVAJUĆI  
Općinskog vijeća  
Miro Vrljićak, s.r.